

同里志卷之十

人物志一

忠孝義行附

君父人之大倫忠孝人之大節廉顏立懦扶植綱常厥功為茂故以弁於編志忠孝

徐孝祥 子純夫

龐思宗 高祖實

陳晉 孫讓

任仲真

龐友諒 子鏞

龐鑑

顧寬

顧宏

顧纓

嚴尙志

戴天叙

陸恆

朱陞宣

朱陞官

任世德

章來 兄元發弟實夫

顧祖奎 子世賢

顧祖斗

趙座

陸府寧

王夢劉

顧復

馬桂徵

馬廷柱

葉古為

嚴調元

顧家燿

顧慶逢

費孝子

范邦宜

范邦俊

顧東亭

楊天觀

吳之綱

任大任

王謂

同里志

卷十忠孝

龐允彬

沈永智

趙沆 曾孫受

徐孺芳

嚴代言

孫若水 弟若愚

顧洪善

葉明安

顧景洙

鄭德照

金廷炳 祖之清父國樞

元

徐孝祥家貧力學不求仕進嘗於廬後掘地見白金輒掩蓋居三十年至治壬戌歲大飢乃盡發之以賑貧乏全活不可勝計其後嫁女荆布而已錙銖弗取也子純夫以明經發解仕至翰林供奉承旨孝祥受封如其官卒年九

十七 見邑志

龐思宗字順之高祖實自偃師扈蹕南遷居吳江以信義孚人為邑人望既卒人仰慕之名其地曰龐山思宗仕至

元時義烏尹崇文愛民政治有聲士賊劉震瓏之亂全家殉節 見任兆麟江震續志稿

陳晉字次翁元末張士誠據吳其父坐作詩謗訕論死晉請以身代父子爭死不疑有司謂代父者孝代子者慈慈

孝之人安肯訕上遂兩釋之父尋病死既葬猶朝夕哭至喪明洪武中晉妻家坐藍玉黨逮治事連及晉晉棄家

遁去以存宗祀後遇赦歸孫讓亦善事親鄉里稱為世孝 見邑志

明



任仲真字直生元邵水監仁發曾孫世居吳淞青龍江幼賦白鶴詩見賞於楊維禎比長喜讀經世之略洪武六年舉人材官南康郡丞引疾歸訪舊吳江愛其風土淳樸遂卜築龐山湖濱游方孝孺之門孝孺嘗有畫竹貽其父暉因名其居曰有竹母沒三年不入私室庭植一松烏集數百人咸謂孝感所致云有萼香集有竹居集見虎龐反諒字彥孚洪武中簽富民實京師友諒代其兄友直以行已而母念不置具疏請允歸士大夫作天錫歸養詩贈之景泰間吳中大飢友諒出粟助賑題賜冠服子鏞字汝聲亦好施予成化十七年大水出粟千斛賑之宏治五年復大水出粟二千斛賑之撫按嘉其好義不忘上其事於朝命有司榜其居曰旌義復其家見邑志龐鑑字汝明龐祖父遺業富甲吳中儻然若不與好讀史成化間邑澆民飢出粟千餘斛賑之鄉民貸米盡燒其券掌鄉稅歷三十稔未嘗妄取民餉其惠或有網利瘠民者見鑑則低首下氣嘗與王文成公守仁交善王嘗爲之作傳本吳淞增輯先哲志

顧寬字惟仁號感梅鄉飲大賓景子性孝友居母喪三年不入私室與弟宏俱年八十餘不分爨初立弟子綱爲嗣後生二子曰純曰綱待之如一族人顯貧不能存寬乃給衣食有故則給以錢穀終其身外祖李昱墓枕吳淞江屢經水患寬出錢千緡築石捍之從妹暗錢瑤死無葬地寬買地葬之及掘地得故塚復命掩之而他擇焉其好義又如此卒年八十餘見邑志下二傳同

# 同里志

## 卷十忠孝

一一

顧宏字惟德號愚閒寬弟爲人敦孝友事必稟父兄而行喜讀書言行謹飭刻自待而寬待人每訓其子孫曰天與我以富欲我廣行其德也若擁貨而視視隣之困乏一守財虜耳故遇三黨里右之緩急及不能自存者必曲計而周給之有鄉人貸去銀若干兩道遺欲自盡宏聞之復興如前數正德己巳冰膠彌月舟航阻者艦接宏日訪其斷薪米者計口與之庚午大疫死者比戶買棺斂而瘞之先是兄寬無子以宏長子爲嗣宏屢勸兄娶妾兄不從宏乃於元旦賀年服公服而跪於嫂之房庭嫂驚問宏言其所以且曰嫂若不從予言跪終不起也嫂爲感泣買妾生二子由是義聲大播邑侯以禮賓於鄉享年八十一

顧纓字廷玉宏第六子生而俊偉稍長喜讀書年三十補郡諸生尋入太學肄業以親老乞歸號泣於國子先生之門乃得允後授官按察司知事纓孝友兼至昆弟五人皆先沒纓即獨養其父後喪葬之事一不以責孤姪且於孤姪教之讀助之耕代之役凡所以撫養之者無不至嘗有宗人子以手質錢纓出贖之里中戈某慕介纓田陸中欲平之以覬厚利纓曰斯言何爲至於我哉厚畀之值而莫得不毀偶泊舟胥關隣舟女失布懼答欲赴水纓立償之其教子曰讀書而不務實行非學也嘗以爲善最樂四字粘之座右配陸氏長洲家宰陸完女未嘗假其勢焰

嚴尙志字廷賢性至孝弱齡母患癰瘡爲母吮癰毒嗣補弟子員肄業湖灣舊里一夕忽心痛家人來報盜劫父風



屢已被盜溺死訴於官盜得誅遂持其首以祭父孝聞鄉里生平尤好義凡修文廟築邑塘莫不捐貲歲飢發粟賑濟又募人埋道路之殍者萬歷間邑侯馮以孝義表其閭凌忠清公義渠爲之撰傳本吳泚增輯先哲志

戴天叙字存南邑誼生嘗館陳氏陳爲人僕主者籍其家陳囊金六百兩夜投天叙天叙以甕墜之地中已而陳死妻飢窘踵門求貸天叙曰若夫金故在可取之其妻謝不知天叙乃發甕悉還之其妻泣拜而去本順汝敬志稿

陸恆字貞甫蘇集作真志誤萬歷戊申貢入太學祭酒李廷機拔其文第一選授貴池縣訓導乞歸踰年而卒性篤孝將葬其父值冰堅舟不可行恆號呼祝天冰雪爲解恆父畫像乃長洲陳淳筆恆出輒奉以隨後爲人竊去自傷無狀泣涕徬徨晝夜摹仿遂別成父像恆素不知畫而像成惟肖人咸嘆異所著有秋語日箋自敘篇等書見邑志下一傳同

朱陞宣字德升萬曆壬子舉於鄉時父年已高陞宣闔門侍養絕跡公府嘗言士君子當以不貪爲寶能安貧則能不貪甘食美服高閣邃宇變童艷姬皆敗檢隲名之具故登賢書二十年未嘗以竿牘通守令家益貧惟奉親則

澆灑裘葛無不贖具母李先亡父益老病幾殆陞宣晝夜侍寢辦護湯藥中單廁牖必手承而進之戊辰當上春官以父疾不赴居二親喪不入內不茹葷者六年竟以哀毀成疾而卒年五十六私諡孝介先生崇禎十年巡撫

祁公彪佳以陞宣行義表於朝詔贈翰林待詔今祀鄉賢祠子益見後文學傳

朱陞官字建侯生有至性年十三念父夢鯉貧遂訓蒙於鄉稍獲貲修奉父後教授里中晨出暮歸必具洗腆以

# 同里志

## 卷十忠孝

娛二人父一日欲往普陀禮大士陞官苦諫不從則羸糧偕至海上晝夜涕泣祝天歸而後已迨居父喪克盡誠

禮嘗手寫法華經三部一藏慧日懺院一藏吉祥菴一藏羅星洲經中誤二字父示夢告之信乎孝弟之至通於

神明邑侯趙欽其行舉鄉飲賓年八十二卒本續先哲志

任世德字遂初少負高才補邑諸生天性孝友中歲喪母過哀血淚迸流遂誓一目自廢嘗與志士不忘在講學二語以勵其子大訓爲名臣詳載仕宦傳

章來字吉甫郡諸生天性孝友兄元發嘗譖於父父欲殺之來不以爲怨而友愛彌篤弟質夫好樵蒲父杖之來

匿弟而婉詞以勸弟因得全其生父沒喪葬皆獨任之而於遺產一無所取外舅陸文字沒無子爲具奩嫁其仲

女喜請南華經別有心得詩愛陶元亮李太白文愛蘇長公而書法亦得米家遺意子夢易載文學傳本續先哲志

顧祖奎字元度天啓元年舉人崇禎丁丑選丹陽教授作五倫箴屢版明倫堂以訓諸生陞連城知縣廉惠有異績黃道周作序以頌之口口口口累遷戶部郎出知南寧府戮力職守時稱爲賢口口口遂祝髮爲僧居隆安之

林村後之肇慶卒於鼎湖山白雲菴年六十六子世賢字天與抱父遺骨奉母而歸業岐黃克振家業惜年僅四十無子而卒見蘇集下一傳同

顧祖斗字文度改名際字雲石祖奎弟鼎革後棄諸生隱居著治心廣孝二書以扶綱補紀導人爲善嘗與祖奎絕音問十



餘年聞其卒走萬里迎其骸挈其子與母歸故里人高其義

趙座字鼎台父仰前嗣父景前座性至孝嗣母卒方七歲哭盡哀景前有媪任氏遇座以虐座不為意仍禮待之嗣

父沒座因館穀白下不得視舍斂歸而哭至死者三本生父病劇割股療之伯仲之間友愛尤篤嘗割己腠肉給

嫂姪鄰人或負銀將鬻女以償座取券面毀之道遇人遺金而哭輒於所知那銀如數與之崇禎辛巳歲大飢餓

率載道座施棺木或雇人墜之早歲飯依三寶老而彌虔與庵村報恩寺浮石和尚尤稱莫逆本續先哲志下三傳同

陸府寧字涵敬邑諸生五入舉場不售遂絕意進取杜門習靜不識里中巷陌崇禎辛壬兩歲荐飢邑令葉延主賑

事府寧率耆士為食於路全活甚衆晚歲值南都亡府寧率家人至湖濱遂後先赴水死

王夢劉字啓雍郡諸生不聽形家言急於葬親葬畢遂沒

顧復字孟明諸生士律子言謹行潔其義行有不可及者

馬桂徵字爾芳邑諸生為好學力行之士明亡時殉節死

周廷柱字在甫性至孝母疾手足廢侍疾二年疾竟起本葉紹顯撰傳

葉古為明亡時殉節死里人共欽之見葉桂流樵集

嚴調元字伯和邑諸生從父赴縣求理祖被盜溺死事哀憤交切邑侯為感動卒殲盜首然其平素溫柔謙謹善氣

# 同里志

## 卷十忠孝

四

迎人言呐呐如不出口教三子振先揚先晟皆成名為嚴氏冠冕女弟為金太傅之俊妻太傅成進士歷顯官一

無所干託後家道中落安貧守道時論誌之本續先哲志

顧家熾字仲明兵備道自植子邑諸生崇禎中纂修史局例採博學之士以備用先是有王紹者其父卒於鄱陽任

自植為發喪並經紀其家俾得旋里後紹成辛未進士歷任史館乃首薦家熾於朝故事當授中書會遭鼎革自

經家廩人救免卒為頭陀以終本許虬撰行略

大清

顧慶逢字汝奇邑諸生有文名口口乃絕意進取性至孝事母陸曲當其意凡中裙綸則之屬必手自滌除生平豪

俠好義遇人有不平事輒力爭之不避嫌怨初歲遭大歉飢殍相望郡邑村鎮皆設廠施粥獨同里未及時猶

沿明制尚設巡按理刑威嚴肅然慶逢率耆民投呈從容進退對答不少憚明日理刑即檄縣設廠施粥全活無

算本章夢易撰傳○按巡按狀式不許過三十字慶逢具呈止二十字三十字句用叶韻

費孝子不知何名家極貧以微業養母每日必請所欲無敢自專一日至市范邦宜見之憐其貧敬進白金費弗受

范跪進之費亦跪辭及有人責費何弗受費不得已拜受之行過吉利橋即投之水中費未娶無後本吳洪增輯先哲志下一傳同

范邦宜字象和性至孝少失怙事母尤謹年近五十居母喪悲號擗踊淚盡繼以血三日始食粥斷酒肉一循古禮



常寢殯側夏月却帷蚊蚋無完膚後竟以身殉戴笠播來皆有詩哭之

范邦俊字文卿郡諸生順治十三年寇掠其家露刃脅之邦俊倚門而罵賊斫之不中刃觸於門而賊即駭遁一

日比隣失火延及其居邦俊從容再拜火遂息卒年七十

本周有撰傳畧

顧東亭失記其名孝行甚篤而遭際獨苦年十五父鶴鳴以丹青術挈妻子游京師十年沒於京邸東亭欲共母扶父輓南歸而不得乃先奉母以還既又別母徒步抵京適粵西鬱林州守某徵求幕賓東亭應其聘乃得賫賂漕艘先送輓還南而已入粵不意此後竟音信杳然并存亡不知矣後母沒同人斂貲殯葬焉豈非孝德之入人者

深歎

本吳涑增輯先哲志

楊天觀少孤負販爲業每日必市肉奉母有范翁憐其貧而能孝贈以金不受強之乃受委於路而去

見周香齋集

吳之綱字直士美資好學爲文入王唐八大家之室父載誦教子過嚴雖冠娶久小有失輒行會哲之杖之綱順受

無怨爲人仁心爲質敦友愛重氣誼其學優於兄之紀之紀成進士爲郎官之綱尙困於諸生父又以成敗軒輊其子之綱遂悒鬱嘔血而卒同人悼之私謚以孝懿沒之後二子同於任昉之子又相繼早世噫天之報施善人

何如哉

本關先哲志

任大任字鈞衡士奇子甫六歲讀書能知大義長洲文震孟見而深器之性孝友年十二父病伏禱北辰旋瘳人謂

# 同里志

## 卷十忠孝

五

天鑒其誠比長經史百家靡不綜貫尋補博士弟子員父沒居喪痛心嘔血絕而甦者數次事母先意承志應試歸夜半心動慮母疾促舟行抵家告果有疾歲飢多盜鼓噪至家大任以身翼母曰吾家訓蒙所有書而已親老勿相驚并諭以善惡禍福之理盜下拜曰此君子也皆感歎而去居傍蓮蒲徹慮數椽蔬水晏如一時賢士如徐枋包捷戴笠輩時相過從授徒以供菽水扁其居曰愛日母沒盡禮如喪父康熙己酉詔徵山林隱逸以葬親泣辭甲子邑侯郭公琇命纂修邑志大任廣蒐舊聞以表揚先哲爲己任里中王青箱沒後族凌其孤廷鈞乃申親親大義引古訓開導之衆感悟孤卒成立年踰八十猶思親不置悲泣成疾卒年八十九所著有易學綱領中庸

解文選評略坦齋遺稿等書

本周爰訪撰傳

王謂字正言邑諸生生有異質至性過人年方齠盜劫其父置諸火謂直前抱持脫父於厄兩臂被傷不醫而愈人

以爲純孝所感也弟希存家落爲均產分析佃戶某爲命案牽連出費助之事得白佃願爲奴償弗納其尚義如

此居恆自奉薄待師厚四子蜚聲庠序叔季並登賢書均爲盛德所致

本丁元正撰墓誌

顧允彬字彥雲太學生少孤家貧母病割股作糜以進病愈隣里以孝聞既乃舟覆於澹臺湖榜人搵水而出允彬

緣岸得生人謂孝感所致後經營拮据家道以贍以產讓弟并助姪婚配終無德色卜居於北郊建還讀樓延名

師教子成名晚歲每遇春和景明則招二三知己尋山問水歲以爲常卒年六十四

本吳涑增輯先哲志



沈永智一作志字四明邑諸生能詩好作綺語人或輕薄議之及訪族兄保昌官舍夜有美婢挑之堅拒不納人始服其操父自南出宰蓬萊前令成某負國幣不能歸卒於官上官檄催時永智在家百計籌畫事賴以理家破不悔也所著有柳菴集見詩徵下一傳同

趙沆字子昇邑諸生少具勇力及長折節讀書爲文前輩朱鶴齡稱賞性孝友兄子有冤獄傾囊以紓其難女兄適沈某家貧無子迎養二十餘年晚精軒岐術探竺國古先生教所著有惕若齋遺詩曾孫受字石傳邑諸生工書顏平原法

徐孺芳字丹翰國學生爲人有介節好奕棋嘗一門盡被盜束縛并露刃脅其父曰若不獻金帛即膏吾刃孺芳急挺身出給盜以金帛在我彼老翁我戚烟脅彼無益因釋之而劫孺芳且炙之火身受重創猝以勇力得脫時里中歌咏其事稱爲徐孝子又嘗赴金陵省試徹夜遊牛首山見僧淫女幾被禍亦以勇力遁免云見葉桂撰牛首祖堂遊序記

嚴代言字有覺邑廩生幼嗣於世父不逮養而養其本生父母甚謹父患目障舌舐之半載復見父沒未葬而隣家失火勢將及代言擁棺號哭誓以身殉火爲之息乾隆六年建坊旌表生平力學著有四書解尚書合纂三傳合纂等書見邑志

孫若水與弟若愚善事父母左右就養便身之物莫不親給父母壽至八十餘有萊衣孺慕之風焉見周春錄香書屋集

## 同里志

### 卷十忠孝

六

顧啓仁字洪善少孤家貧資館穀養母有三弟一妹皆撫之成立母疾時啓仁在館忽心痛急歸而母疾已殆啓仁日持湯進湯藥夜不能具帳坐立蚊蚋中侍奉累月不痊啓仁懼禱於城隍祠願以身代家人莫之知也母尋愈而啓仁死親舊往唁偶檢書得祈神疏稿悉其事莫不悲悼卒年二十八未娶見邑志

葉明安父好賭博游戲明安數幾諫不聽則置酒邀親朋使勸父父欣然曰吾今誓不妄費矣但吾子當奉吾極豐明安竭厥應命於是其父冠貂帽衣重裘當酒酣以往過詫問里而翼日則以償博進矣明安亦不悔亟爲更製若預備然者如是十餘年而心力盡矣人以爲死於孝云本願汝敬志

顧景洙字子泗母潘病癩非子炊不食不許子娶景洙事之無不曲意承順生平不苟言笑嚴於取與尤精易理工草書本願我從撰傳

鄭德照字惠周國子生爲人有介節妻李有從母爲某繼室惡前室子欲以所畜遺德照妻德照曰不與子而與所愛非理受之不義背理傷義取之不祥堅卻之有某甲者委理家業盜數百金逸或謂宜緝以法德照曰吾昧知人之明致此惟自引咎而已卒年六十九本任兆麟江霞續志

金廷炳字西書祖之清浙江臨海令嘗與同邑顧口口共訂樂府錦城行世父國樞候銓州佐以長子廷烈貴例贈奉政大夫廷炳少孤事母以孝聞母疾嘗割股以療工舉業願以久困小試例入成均善治生而不憚於財如嘗



廟宇施棺木諸善事尤曠曠人口卒年五十七以孫蘭原貴例贈奉政大夫著有惕齋詩稿

本王曾翼撰傳

# 同里志



## 卷十忠孝